



Na osnovu člana 15. stav (1) tačka a), b) i e) Zakona o principima lokalne samouprave u Federaciji Bosne i Hercegovine („Službene novine Federacije Bosne i Hercegovine“, broj 49/06 i 51/09), člana 50. stav (1) tačka a), e) i g) Statuta Općine Novo Sarajevo („Službene novine Kantona Sarajevo“ broj 5/20 – Prečišćeni tekst i 20/20 - Ispravka) i člana 3. Odluke o načinu odabira i praćenju realizacije projekata nevladinih/neprofitnih organizacija po LOD metodologiji („Službene novine Kantona Sarajevo“ broj: 49/15 i 6/20), Općinski načelnik Općine Novo Sarajevo, raspisuje

JAVNI POZIV

udruženjima/fondacijama (organizacijama civilnog društva/nevladinim organizacijama) za predaju prijedloga projekata iz oblasti obrazovanja, sporta, kulture, podrške mladima, podrške za djecu i odrasle osobe sa poteškoćama u razvoju, pružanje podrške osobama treće životne dobi i zaštite okoliša

I PRIORITETNE OBLASTI I TEME

Općina Novo Sarajevo (u daljem tekstu: Općina) poziva sva udruženja/fondacije, odnosno organizacije civilnog društva (OCD)/nevladine organizacije (NVO) iz Bosne i Hercegovine da dostave prijedloge projekata iz sljedećih prioriternih oblasti:

1. Obrazovanje

- 1.1 Projekti koji imaju za cilj podizanje svijesti o važnosti cjeloživotnog učenja i promovisanje demokratije i standarda volonterizma.
- 1.2 Projekti koji imaju za cilj edukaciju djece i mladih o zdravoj ishrani, promociju zdravih stilova života školske populacije, te promociju prevencije ovisnosti, maloljetničkog i vršnjačkog nasilja, delikvencije i nasilja u porodici.
- 1.3 Projekti koji imaju za cilj promovisanje ravnopravnosti spolova u skladu sa Gender akcionim planom Općine Novo Sarajevo (Srednjoročni cilj 3. Općina prati stanje i saraduje sa drugim akterima na unapređenju stanja ravnopravnosti spolova).

2 Sport

- 2.1 Projekti koji se realizuju u cilju poboljšanja kvaliteta i dostupnosti sportskih i rekreativnih sadržaja za sve kategorije stanovništva kroz promociju i unaprjeđenje sporta (afirmacija zimskih, vodenih i drugih sportova, organizacija sportskih takmičenja za učenike osnovnih i srednjih škola, te povećanje broja korisnika sportsko - rekreativnih aktivnosti).

3 Kultura

- 3.1 Projekti koji imaju za cilj poboljšanje kvaliteta kulturnih sadržaja za sve kategorije stanovništva kroz promociju različitih vidova kulture, umjetnosti, kulturno – umjetničkog amaterizma i volonterizma;
- 3.2 Projekti koji imaju za cilj promociju tradicije i kulturne baštine nacionalnih manjina.

4 Podrška mladima

- 4.1 Projekti koji imaju za cilj unaprjeđenje omladinskog aktivizma (razni vidovi edukacija, promotivne kampanje i kulturni sadržaji za mlade umjetnike);
- 4.2 Projekti koji imaju za cilj jačanje kapaciteta i sposobnosti mladih za istraživanje, razvoj, programiranje i inovacije;
- 4.3 Projekti koji imaju za cilj aktivizam mladih i volonterske akcije.

4.4 Projekti koji imaju za cilj edukaciju djece i mladih o zdravoj ishrani, promociji zdravih stilova života školske populacije sa područja općine Novo Sarajevo, te promociju prevencije ovisnosti, maloljetničkog i vršnjačkog nasilja, delikvencije i nasilja u porodici.

5 Pružanje podrške za djecu i odrasle osobe sa poteškoćama u razvoju

5.1 Projekti koji imaju za cilj poboljšanje kvaliteta i dostupnosti inkluzivnog obrazovanja i socijalne zaštite i socijalno uključivanje djece i odraslih osoba sa poteškoćama u razvoju kroz realizaciju edukativnih i rekreativnih programa, programa unaprjeđenja socijalnih vještina, kao i programa unaprjeđenja kapaciteta i osposobljavanja osoba sa invaliditetom.

6 Pružanje podrške osobama treće životne dobi

6.1 Projekti koji imaju za cilj unaprjeđenje zaštitu zdravlja i socijalnih usluga putem programa usmjerenih na poboljšanje kvaliteta života osoba treće životne dobi.

7 Zaštita okoliša

7.1 Projekti koji imaju za cilj edukaciju u oblasti zaštite okoliša;

7.2 Projekti koji imaju za cilj obuku o participativnom učešću lokalne zajednice u planiranju projekata za ublažavanje i prilagođavanje klimatskim promjenama;

7.3 Projekti koji imaju za cilj podizanje javne svijesti putem provedbe kampanje o ispravnom korištenju čvrstih goriva kao energenta;

7.4 Projekti koji imaju za cilj podizanje javne svijesti putem provedbe kampanje o smanjenju, razdvajanju i recikliranju otpada.

II VISINA SREDSTVA KOJA SE DODJELJUJE PO PROJEKTU

- Sredstva za odobrene projekte iz oblasti obrazovanja, sporta, kulture i podrške mladima, (navedene pod tačkama 1., 2., 3. i 4.) iznositi će od 3.000,00 KM do 6.000,00 KM (konvertibilnih maraka) po projektu.

Ukupno planirana sredstava za projekte iz navedenih oblasti **iznose 130.000,00 KM.**

- Sredstva za odobrene projekte iz oblasti pružanja podrške za djecu i odrasle osobe sa poteškoćama u razvoju; (navedeno pod tačkom 5.) iznositi će od 10.000,00 KM do 20.000,00 KM (konvertibilnih maraka).

Ukupno planirana sredstva za projekte iz navedene oblasti **iznose 40.000,00 KM.**

- Sredstva za odobrene projekte iz oblasti pružanja podrške osobama treće životne dobi (navedeno pod tačkom 6.) iznositi će od 5.000,00 KM do 10.000,00 KM (konvertibilnih maraka).

Ukupno planirana sredstva za projekte iz navedene oblasti **iznose 10.000,00 KM.**

- Sredstva za odobrene projekte iz oblasti zaštite okoliša (navedeno pod tačkom 7.) iznositi će od 5.000,00 KM do 10.000,00 KM (konvertibilnih maraka) po projektu.

Ukupno planirana sredstva za projekte iz navedene oblasti **iznose 35.000,00 KM.**

Sveukupno planirana sredstva za Javni poziv za svih sedam oblasti iznose 215.000,00 KM.

Općina zadržava pravo da ne dodijeli sva raspoloživa finansijska sredstva u slučaju da projektni prijedlozi ne zadovoljavaju zadate kriterije.

Općina Novo Sarajevo, ulica Zmaja od Bosne br. 55, centrala telefon (387 33) 492 100

Služba za obrazovanje, kulturu i sport

tel: (387 33) 492 188, fax: (387 33) 492 341, email: obrazovanje@novosarajevo.ba

Identifikacioni broj: 4200558710008 PDV broj: 200558710008 Porezni broj: 0170333000

Depozitni račun 1411965320011288 Bosna Bank International d.d.



III UČESNICI JAVNOG POZIVA

Učešće u ovom javnom pozivu je otvoreno, na jednakim osnovama, za sva formalno registrovana udruženja/fondacije, u skladu s važećim zakonskim propisima u Bosni i Hercegovini.

Sva zainteresovana udruženja, detaljne informacije o uslovima za prijavu/apliciranje i kriterijima za finansiranje projekata mogu pronaći u smjernicama za podnosiocce prijedloga projekta u okviru Javnog poziva.

IV PERIOD REALIZACIJE PROJEKATA

Dužina trajanja svakog projekta može biti minimalno jedan mjesec, a izabrani projekti trebaju da se provedu najkasnije do 30.11.2024. godine.

Projekti koji su dobili finansijsku podršku Općine, trebaju se realizovati u skladu sa dostavljenim prijedlogom projekta i LOD - metodologijom.

Potpisivanje ugovora sa odabranim aplikantima očekuje se u drugom kvartalu 2024. godine, te će aplikanti u skladu sa tim i planirati početak realizacije svojih projekata.

V LOKACIJA

Projekat mora biti implementiran na području Općine, osim aktivnosti za koje ne postoje pretpostavke (uslovi) da se odvijaju na teritoriji Općine, a čija su ciljna grupa građani Općine.

Prilikom odabira projekata prednost imaju oni projekti koji se će realizovati u JU „Međunarodni centar za djecu i omladinu Novo Sarajevo“ u ul. Kemala Kapetanovića br. 17 i Grbavička bb, i Sportskoj dvorani „Goran Čengić“ u ul. Zvornička br. 23.

VI BROJ PROJEKATA KOJE UDRUŽENJE MOŽE KANDIDOVATI

Aplikant može predati više od jednog projektnog prijedloga sa odvojenim prijavnim formularima i dokumentacijom za svakog od njih, a finansirat će se samo jedan uspješno ocijenjen i odabran projekat.

VII PREUZIMANJE DOKUMENTACIJE

Dokumentacija i informacije vezane za prijavu na Javni poziv, mogu se preuzeti sa službene web stranice Općine www.novosarajevo.ba ili lično u Općini - Služba za obrazovanje, kulturu i sport, soba 226, ulica Zmaja od Bosne broj 55, 71000 Sarajevo.

VIII EDUKACIJA O NAČINU PRIJAVLJIVANJA NA JAVNI POZIV

Svi aplikanti se mogu prijaviti, odnosno iskazati zainteresovanost za učestvovanje na „Otvorenom danu“, na kojem će im biti pružene sve neophodne informacije o načinu prijavljivanja na javni poziv.

Prijave se podnose u roku od 10 dana od dana objave ovog javnog poziva, putem e-mail adrese obrazovanje@novosarajevo.ba ili putem telefonskog broja 033/492-360.

Vrijeme i mjesto održavanja „Otvorenog dana“, zainteresovanim aplikantima saopštiti će se naknadno putem web stranice Općine.

IX PREDAJA APLIKACIJA

Ispunjena aplikacija (sa kompletnom zahtijevanom dokumentacijom) mora se dostaviti u dva (2) primjerka i to: u jednoj štampanoj formi i u jednoj elektronskoj kopiji (CD ili USB) u zatvorenoj koverti sa naznakom:

**„za Javni poziv
udruženjima (organizacijama civilnog društva/ nevladinim organizacijama)
za predaju prijedloga projekata iz oblasti obrazovanja, sporta, kulture, podrške mladima, podrške
za djecu i odrasle osobe sa poteškoćama u razvoju, podrške za osobe treće životne dobi
i zaštite okoliša“**

Općina Novo Sarajevo, ulica Zmaja od Bosne br. 55, centrala telefon (387 33) 492 100

Služba za obrazovanje, kulturu i sport

tel: (387 33) 492 188, fax: (387 33) 492 341, email: obrazovanje@novosarajevo.ba

Identifikacioni broj: 4200558710008 PDV broj: 200558710008 Porezni broj: 0170333000

Depozitni račun 1411965320011288 Bosna Bank International d.d.



preporučenom poštom ili na protokol Općine tokom radnih dana (ponedjeljak-petak), na sljedeću adresu:

**Općina Novo Sarajevo
Zmaja od Bosne broj 55
71000 Sarajevo
Bosna i Hercegovina**

Na koverti mora biti naznačeno: naziv poziva za predaju prijedloga projekata, puno ime i adresa podnosioca projekta, oblast za koju se aplicira i navod "Ne otvarati".

X ROK ZA PREDAJU

Rok za predaju aplikacija/prijava je **28 dana** od dana objavljivanja u sredstvima javnog informisanja, odnosno do **08.03.2024.** godine.

Aplikacije dostavljene nakon navedenog roka bit će razmatrane jedino u slučaju da poštanski žig ukazuje na datum slanja prije zvaničnog isteka roka. O primljenoj pošiljci u Općini će se voditi uredna evidencija i izdavati potvrde o prijemu.

XI NAČIN OCJENJIVANJA PROJEKTNIH PRIJEDLOGA

Ocjenjivanje će izvršiti Komisija za ocjenjivanje i odabir projekata koju će imenovati Općinski načelnik. Rezultati će biti objavljeni na web stranici Općine, kao i na oglasnoj ploči Općine, najkasnije **30** dana od dana zatvaranja javnog poziva.

Svi aplikanti koji su predali prijedloge projekata, koji su prihvaćeni ili odbijeni, bit će obaviješteni u pisanoj formi o odluci u vezi s njihovim prijedlogom projekta.

Broj: 16-11-3-1249/24

OPĆINSKI NAČELNIK

Sarajevo, 06.02.2024. godine

Dr. Hasan Tanović